

Peqqinnissaqarfiup Tulleriissaarisarnermut Ataatsimiititaliaa pillugu Namminersorlutik Oqartussat nalunaarutaat

Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersumi § 22, imm. 2 aamma 3 naapertorlugit aalajangersarneqarpoq:

Tulleriissaarisarnermut ataatsimiititaliap suliaasai

§ 1 Tunngaviliussat Naalakkersuisunit aalajangersarneqartut iluanni Tulleriissaarisarnermut ataatsimiititaliap makku suliaasarai:

- 1) napparsimasup najugaata avataani peqqissaaveqarfimmi napparsimasut misissortinnissaannut katsorsarneqarnissaannullu innersuussineq pillugu pissusiusunik tunngaveqarluni suliaasanik aalajangersimasunik suliarinninneq.
- 2) inuup najugaata avataani peqqissaaveqarfimmi misissortinnissaannut katsorsartinnissaannullu innersuussinissaq pillugu Dronning Ingridip Napparsimmavissuani nakorsaanerit innersuussisartut suliaasani tamanut tunngasuunngitsuni aalajangiisinaanissaannut piginnaatinneqassasut.

Tulleriissaarisarnermut ataatsimiititaliap katitigaanera

§ 2. Tulleriissaarisarnermut ataatsimiititaliaq ukuninnga taasisinnaasunik ilaasortaqarpoq:

- 1) Peqqinnissaqarfimmi pisortaq.
- 2) Nakorsat qullersaat.
- 3) Peqqissaasut qullersaat.
- 4) Tulleriissaarisarnermut ataatsimiititaliami ilaasortat allat Dronning Ingridip Napparsimmavissuani nakorsaanertut aqutsisut sinniisussaannik pingasunik kiisalu nunap immikkoortuini nakorsaanertut aqutsisut sinniisussaannik ataatsimik toqqaassapput.

Imm. 2. Tulleriissaarisarnermut ataatsimiititaliap ataatimiinnerini Naalakkersuisoqarfimmi peqqissutsimut tunngatillugu akisussaasunit sinniisoq peqataasassaaq. Inuk taanna taaseqataasinnaangilaq.

Imm. 3. Ataatsimiititaliap ataatimiinnerini peqataasussamik suliamik ilisimasalimmik ikiuuttussamik Tulleriissaarisarnermut ataatsimiititaliap siulittaasua aggersaasinnaavoq. Inuk taanna taaseqataasinnaangilaq.

§ 3. Peqqinnissaqarfimmi pisortaq Tulleriissaarisarnermut ataatsimiititaliami siulittaasuuvog.

Imm. 2. Nakorsat qullersaat Tulleriissaarisarnermut ataatsimiititaliami siulittaasup tulliatut inissisimavoq.

Imm. 3. Siulittaasup peqannginnerani taassuma pisinnaatitaaffii pisussaatitaaffilu siulittaasup tullianit isumagineqartassapput.

Tulleriissaarisarnermut ataatsimiititaliap sulinera

§ 4. Tulleriissaarisarnermut ataatsimiititaliaq nalinginnaasumik amerlanerussuteqarnikkut aalajangiisarpoq. Taasisut nalogiippata siulittaasup taasinera aalajangiisuusaaq.

Imm. 2. Suliame pingaarutillit eqqarsaatigalugit matumani peqqinnissaqarfiup missingersuutaanit akilerneqarsinnaanngitsunik suliamek aalajangiinnermi aningaasaqarnikkut annertuumik kinguneqartussat eqqarsaatigalugit suliap tunngaviumik imarisaata politikikkut aalajangiiffigisassanngorlugu saqqummiunneqarnissaa pillugu inassuteqarnissaaq anguniarlugu suliap sivikitsumik unitsikkallarneqarnissaa pillugu siulittaasooq suliameq qaqutiguumik aalajangiisinnaavoq. Napparsimasumut annertuumik pitsaanngitsumik kinguneqassappat suliap unitsikkallarneqarsinnaanngilaq.

Imm. 3. Siulittaasooq imaluunniit siulittaasup tullia aamma Tulleriissaarisarnermut ataatsimiititaliami ilaasortaasut taasisinnaasut ikinnerpaamik sinnerisa affaat ataatsimeeqataatillugit Tulleriissaarisarnermut ataatsimiititaliaq aalajangiisinnaatitaavoq.

§ 5. Tulleriissaarisarnermut ataatsimiititaliaq najuunnikkut ataatsimiittassaaq imaluunniit pisariaqartitsineq malillugu digitalikkut ataatsimiittassalluni, taamaattorli ajornanngippat aamma pisariaqarpat suliap sapinngisamik sukanerpaamik sularineqassapput. Suliap kingusinaarluni sularineqarneranni napparsimasup peqqissusaanik ataavartumik ajoqusiususaasut ilimagineqarpat, suliap piaarnerpaamik sularineqassapput aamma suliap sularineqarnissaanut piareersarnerata kingorna kingusinerpaamik ullut suliffusut qulit ingerlaneranni sularineqassapput.

Imm. 2. Tulleriissaarisarnermut ataatsimiititaliaq ataatsimiinnerit ingerlanneqartarnissaanut suleriaasissamik suliqassaaq. Suleriaasissaaq naalakkersuisoqarfimmi peqqissutsimut tunngatillugu akisussaasunit akuerineqassaaq.

Imm. 3. Peqqinnissaqarfimmut Aqutsisoqarfik allattoqarfittut ikiuunnissamut Tulleriissaarisarnermut ataatsimiititaliamut atugassiissaaq.

§ 6. Tulleriissaarisarnermut ataatsimiititaliap ataatsimiinneri ammasuunngillat.

Imm. 2. Tulleriissaarisarnermut ataatsimiititaliap ataatsimiinnerinut peqataasut peqqinnissaqarfimmi sulisunut akuerisaasunut nipangiussisusaatitaanerup atuuttup assinganik piumasaqarfigineqarput.

Tulleriissaarinermut ataatsimiititaliap aalajangiisarnera

§ 7. § 1, nr. 1. naapertorlugu pissusiusunik tunngaveqarluni suliassani aalajangersimasuni Tulleriissaarisarnermut ataatsimiititaliap aalajangigaani nakorsaq attuumassuteqartoq napparsimasup taassumalu ingerlaqqinneranut nalunaaruteqarnissamut isumaginnittoq sapinngisamik piaarnerpaamik allakkatigut nalunaarfigineqassaaq.

§ 8. § 1, nr. 2 naapertorlugu piginnaatitaaneq pillugu Tulleriissaarisarnermut ataatsimiititaliap aalajangiineri Dronning Ingridip Napparsimmavissuani nakorsaanernut innersuussisartunut allaganngorlugit pissarsiarineqarsinnaasunngortinneqassapput.

Imm. 2. Piginnaatitsissutit annertuussusaat pillugit nalornisoqannginniassammat § 1 naapertorlugu piginnaatitsissutit nassuiarneqassapput.

§ 9. Tulleriissaarisarnermut Ataatsimiititaliamit aalajangerneqartunut tunngatillugu suliami pingaarutilinnik paasissutissanik peqalerpat Tulleriissaarisarnermut Ataatsimiititaliami siulittaasup Tulleriissaarisarnermut Ataatsimiititaliami suliaq nutaamik suliareqqitassanngortissavaa.

Tulleriissaarisarnermut ataatsimiititaliap atuunneranut uppernarsaat

§ 10. Tulleriissaarisarnermut ataatsimiititaliap ataatsimeereernerini Tulleriissaarisarnermut ataatsimiititaliap allattoqarfia imaqarniliortassaaq.

Imm. 2. Imaqarniliaq kingusinnerpaamik ataatsimeereernermit ullut suliffusut 14-it qaangiutsinnagit allakkatigut ukununga nassiunneqartassaaq:

- 1) Tulleriissaarisarnermut ataatsimiititaliami ilaasortat,
- 2) naalakkersuisoqarfik peqqissutsimut tunngatillugu akisussaasoq, kiisalu
- 3) Nunatsinni Nakorsaaneqarfik.

Imm. 3. piumasaqaatit aalajangersimasut taallugit suliani aalajangersimasuni aalajangiinerit imaqarniliami tunngavilersorlugit allanneqassapput.

Imm. 4. § 4, imm. 2 naapertorlugu itigartitsisinnaatitaaneq atorineqarpat tamanna imaqarniliami immikkut peqqissaarussamik tunngavilersorlugu allanneqassaaq.

§ 11. Tulleriissaarisarnermut ataatsimiititaliaq ukiumoortumik nalunaarusiamik naalakkersuisoqarfirmut peqqissutsimut tunngatillugu akisussaasumut kiisalu Nunatsinni Nakorsaaneqarfirmut tunniussisassaaq.

Imm. 2. Tulleriissaarisarnermut ataatsimiititaliap ukiumi kingullermi suliai pillugit nassuiaammik imaqtussamik, kingusinnerpaamik aprilip aallaqqaataani nalunaarusiortoqareertassaaq.

Imm. 3. Tulleriissaarisarnermut ataatsimiititaliap ukiumoortumik nalunaarusiaanut piumasaqaatit, tassunga ilanngullugit ilusilersornera annikitsualuttortaallu Tulleriissaarisarnermut ataatsimiititaliap suleriaasiani nassuiarneqassapput.

Atuutilersitsineri, ikaarsaariarnermi atorunnaarsitsinermilu aalajangersakkat

§ 12 Nalunaarut atuutilissaaq 24. februar 2024.

Imm. 2. Peqatigitillugu Peqqinnissaqarfiup Tulleriissaarisarnermut ataatsimiititaliaa pillugu Namminersornerullutik Oqartussat nalunaarutaat nr. 31, 1. december 2006-imeersoq atorunnaarsinneqarpoq.

Imm. 3. § 11, imm. 2 naapertorlugu 1 april 2025-mi nassuiaasiortoqariissaaq.

Namminersorlutik Oqartussat, ulloq 16. februar 2024

Agathe Fontain (atsior.)
Peqqissutsimut Naalakkersuisoq

/ Nike Berthelsen (atsior.)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut